



---

**KERATAN AKHBAR  
DAN MEDIA ONLINE  
UNTUK MAKLUMAN :**

**Y.B. MENTERI  
Y.B. TIMBALAN MENTERI  
Y.BHG. KSU  
Y.BHG. TKSU (PDN)  
Y.BHG. TKSU (PUP)  
SETIAUSAHA AKHBAR**

---

**10 FEBRUARI 2022 (KHAMIS)**



KEMENTERIAN PERDAGANGAN DALAM NEGERI  
DAN HAL EHRAL PENGGUNA

---

---

**KERATAN AKHBAR  
DAN MEDIA ONLINE  
(KPDNHEP)**

---

---

**10 FEBRUARI 2022 (KHAMIS)**



Senarai Harga Barang Keperluan							
• Ayam	<b>RM7.99</b>	• Telur Gred A	<b>RM12.45</b>	• Gula Pasir	<b>RM2.85</b>	• Cili Merah	<b>RM9.59</b>
• Daging Lembu Tempatan	<b>RM42.99</b>	• Ikan Kembung	<b>RM13.99</b>	• Bawang Besar Holland	<b>RM2.50</b>	• Kubis Bulat Tempatan	<b>RM2.79</b>
• Daging Lembu Import	<b>RM28</b>	• Minyak Masak	<b>RM6.35</b>	• Bawang Putih	<b>RM5.50</b>	• Tepung Gandum	<b>RM2.20</b>

\*Harga (RM/kg) Sumber: KPDNHEP



KEMENTERIAN PERDAGANGAN DALAM NEGERI  
DAN HAL EHWAL PENGGUNA

---

**KERATAN AKHBAR  
DAN MEDIA ONLINE  
(AGENSI KPDNHEP)**

---

**10 FEBRUARI 2022 (KHAMIS)**

# MyCC siasat persatuan keluar isyarat berlaku kenaikan harga

Oleh Muhammad Yusri Muzamir

yusri.muzamir@bh.com.my

**Kuala Lumpur:** Suruhanjaya Persaingan Malaysia (MyCC) menegaskan kenyataan beberapa gabungan dan pertubuhan berkaitan kenaikan harga barangan dan gangguan bekalan makanan tertentu boleh disia-

sat mengikut Akta Persaingan 2010.

Ketua Pegawai Eksekutif MyCC, Iskandar Ismail, berkata sebagai badan penguat kuasa yang diberi mandat melindungi proses persaingan, MyCC bimbang dengan kenyataan terbabit kerana entiti berkenaan mempunyai pengaruh kuat dalam pasaran berkaitan.



Isyarat harga boleh membawa maksud pelawaan untuk bersepakat atau pendedahan penentuan harga berpotensi menyebabkan kesan antipersaingan boleh dianggap sebagai pelanggaran

Iskandar Ismail, Ketua Pegawai Eksekutif MyCC

Katanya, antara kenyataan berkenaan ialah meminta pengguna bersedia menghadapi kenaikan sehingga 10 peratus bagi harga makanan serta bukannya makanan dan jangkaan berlaku gangguan bekalan makanan tertentu sehingga Ramadan dan Aidilfitri.

Nasional 6



# ‘Kenyataan boleh resahkan pengguna’

Dari Muka 1

“MyCC memandang kenyataan entiti-entiti ini dengan penuh kebimbangan. Perlu ditekankan di sini bahawa entiti-entiti ini mempunyai pengaruh kuat dalam pasaran yang berkaitan. Oleh itu, kenyataan berkenaan boleh dianggap sebagai percubaan untuk mempengaruhi tingkah laku perusahaan dalam pasaran.

“Tindakan sedemikian, jika didapati mempunyai unsur-unsur menghalang, menyekat atau mengganggu persaingan secara signifikan dalam pasaran, boleh menimbulkan isu persaingan di bawah Akta Persaingan 2010,” katanya dalam satu kenyataan semalam.

Di bawah Akta Persaingan 2010, perbadanan atau syarikat yang didapati bersalah boleh dikenakan hukuman denda sehingga RM10 juta, manakala individu pula denda sehingga RM2 juta, penjara lima tahun atau kedua-duanya, atau boleh dikompromi mengikut kuasa menteri.

Iskandar berkata, kenyataan yang dikeluarkan oleh entiti berkenaan adalah tidak perlu kerana ia boleh menimbulkan keresahan dan panik dalam kalangan pengguna.

“Sebagai contoh, memberi isyarat kepada pasaran mengenai potensi kenaikan harga.

“Isyarat harga boleh membawa maksud kepada pelawaan untuk bersepatat atau pendedahan penentuan harga berpotensi menyebabkan kesan antipersaingan boleh dianggap sebagai pelanggaran di bawah larangan perjanjian antipersaingan generik atau larangan amalan bersepatat,” katanya.

Kenyataan MyCC berkenaan susulan beberapa isu kekurangan bekalan barangan keperluan dan makanan yang dihadapi orang ramai kebelakangan ini.

Pihak industri, termasuk pengeluar dan pengilang mendakwa, kenaikan harga beberapa barangan mungkin sukar untuk dielakkan berikutan lonjakan kos bahan mentah serta kekurangan pekerja asing yang dihadapi terutama selepas pas-

capandemik COVID-19.

Selain itu, mereka turut berdepan dengan faktor peningkatan kos logistik, aliran menaik harga minyak mentah serta kenaikan tarif elektrik.

Pada 5 Februari lalu, Presiden Persekutuan Pekilang-Pekilang Malaysia (FMM), Soh Thian Lai dilaporkan berkata, pengguna perlu bersiap sedia untuk berdepan kenaikan harga sehingga 10 peratus, melainkan kos makanan dan barangan bukan makanan terkawal.

Thian Lai mendakwa, ia berdasarkan hasil tinjauan FMM mengenai impak kenaikan harga ke atas barangan seperti roti, telur, lampin dan sabun pencuci, pada Disember lalu, mendapati sebahagian besar responden bercadang menyalurkan kos kepada pengguna, melainkan tindakan drastik diambil bagi membendung kenaikan harga.

Isnin lalu pula, Timbalan Pengerusi Gabungan Persatuan Peladang Ternakan Malaysia (FLFAM), Lee Yoon Yeau, dilaporkan berkata masalah kekurangan bekalan telur ayam di

pasaran berlarutan sehingga Ramadan yang didakwa berpunca daripada kenaikan kos pengeluaran penternak.

Beliau mendakwa, penternak dan pengeluar mungkin memilih mengurangkan pengeluaran bagi menampung kos pengeluaran masing-masing, sekali gus menyebabkan bekalan akan terganggu.

Justeru, katanya, persatuan berharap supaya subsidi dedak diberikan kepada penternak dan pengeluar bagi mengatasi peningkatan kos dedak.

Kelmarin, Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid berkata, KPDNHEP akan mengadakan perbincangan segera bersama Kementerian Pertanian dan Industri Makanan (MAFI) bagi mencari penyelesaian isu kekurangan bekalan telur ayam di pasaran.

Beliau berkata, ia susulan pelbagai rungutan dan kebimbangan diluahkan masyarakat akibat kekurangan bekalan telur di pasaran terutama menjelang Ramadan dan Syawal nanti.

## Semakan kehakiman Grab cabar MyCC ditangguh

**Putrajaya:** Mahkamah Persekutuan semalam memerintahkan pendengaran permohonan semakan kehakiman dikemukakan Grab Holdings Inc dan dua anak syarikatnya bagi mencabar cadangan Suruhanjaya Persaingan Malaysia (MyCC) mengenakan denda RM86.77 juta terhadap mereka di Mahkamah Tinggi, ditangguhkan.

Panel tiga hakim Mahkamah Persekutuan yang dipengerusikan Presiden Mahkamah Rayuan Tan Sri Rohana Yusuf bersama-sama Datuk Abdul Rahman Sebli dan Datuk Mary Lim Thiam Suan memerintahkan pendengaran yang ditetapkan pada 14 Februari ini ditangguhkan selepas membenarkan permohonan Peguam Datuk Seri Gopal Sri Ram yang mewakili MyCC.

Panel membenarkan permohonan penangguhan itu sementara MyCC mendapatkan alasan penghakiman Mahkamah Rayuan yang memberikan kebenaran kepada Grab Holdings, GrabCar Sdn Bhd dan MyTeksi Sdn Bhd memulakan prosiding semakan kehakiman untuk mencabar cadangan MyCC.

Mahkamah Persekutuan turut menangguhkan prosiding hari ini untuk mendengar permohonan MyCC bagi mendapatkan kebenaran bagi merayu keputusan Mahkamah Rayuan itu.

"Selepas mendengar hujahan kedua-dua belah pihak, kami menangguhkan prosiding ini sementara alasan penghakiman mahkamah rayuan diperoleh MyCC.

"Kami memerintahkan penangguhan sementara pendengaran semakan kehakiman di Mahkamah Tinggi hingga permohonan MyCC mendapatkan kebenaran merayu diputuskan (Mahkamah Persekutuan)," kata Rohana.

Terdahulu, peguam Datuk Malik Intiaz Sarwar yang bertindak bagi pihak Grab membantah permohonan peguam untuk menangguhkan prosiding.

Pada 19 April lalu, panel tiga hakim Mahkamah Rayuan diketuai Datuk Hanipah Farikullah memberi kebenaran kepada Grab Holdings dan dua anak syarikatnya untuk memulakan prosiding semakan kehakiman bagi mencabar cadangan MyCC untuk mendenda syarikat perkhidmatan e-hailing itu.

MyCC mendakwa Grab menyalahgunakan kedudukannya yang dominan dengan mengenakan beberapa klausa sekatan ke atas pemandunya bagi menghalang mereka mempromosikan pesaing syarikat itu di platform e-hailing.



# Persatuan akur teguran kenyataan timbulkan panik

## Unjuran kenaikan harga berdasarkan maklum balas responden melalui tinjauan FMM

Oleh Muhammad Yusri Muzamir  
yusri.muzamir@bh.com.my

**Kuala Lumpur:** Beberapa gabungan dan persatuan perusahaan akur dengan teguran Suruhanjaya Persaingan Malaysia (MyCC) supaya tidak mengeluarkan kenyataan yang menimbulkan panik dan mempengaruhi pasaran berkaitan harga barang keperluan dan perkhidmatan.

Presiden Persekutuan Pekilang-Pekilang Malaysia (FMM), Tan Sri Soh Thian Lai, mengakui beliau menerima panggilan daripada Ketua Pegawai Eksekutif MyCC, Iskandar Ismail yang membangkitkan perihal berkenaan, baru-baru ini.

Bagaimanapun, katanya kenyataan mengenai unjuran

kenaikan harga barangan kepada sebuah portal berita itu dibuat berdasarkan maklum balas responden yang diterima melalui tinjauan persekutuan berkenaan.

"FMM adalah organisasi profesional dan hanya mengeluarkan kenyataan berdasarkan fakta. Saya akui MyCC ada beri nasihat mengenai perkara ini, tetapi bukan hanya kepada FMM sahaja, ia turut membabitkan beberapa pihak lain.

"Saya juga sudah meminta wakil FMM untuk menghubungi Iskandar (untuk menjelaskan kenyataan berkenaan) kerana ini adalah hasil dapatan tinjauan di-

lakukan ahli. Saya hanya beri maklumat berdasarkan hasil tinjauan berkenaan.

"Bagaimanapun, kita bersedia untuk memenuhi nasihat dikeluarkan MyCC dalam perkara ini," katanya kepada *BH*, semalam.

Terdahulu, Iskandar menegaskan kenyataan beberapa gabungan dan pertubuhan berkaitan kenaikan harga barangan dan gangguan bekalan makanan tertentu dianggap percubaan mempengaruhi tingkah laku perusahaan dalam pasaran.

Sementara itu, Penasihat Gabungan Persatuan Peladang Ter-

nakan Malaysia (FLFAM), Datuk Jeffrey Ng Choon Ngee, ketika dihubungi berkata, pihaknya tidak akan mengeluarkan sebarang kenyataan lanjut mengenai bekalan dan unjuran kenaikan harga ayam dan telur, sebaliknya menunggu isu berkenaan diselesaikan kerajaan.

Bagaimanapun, katanya, beliau tidak akan menghalang mana-mana ahli gabungan itu daripada mengeluarkan sebarang kenyataan kepada media, namun ia tidak akan mewakili pandangan FLFAM dan dibuat atas kapasiti peribadi semata-mata.

"Kita akan biarkan mana-mana ahli atau penternak berdaftar di bawah FLFAM membuat kenyataan mereka dan kepimpinan gabungan sentiasa menghormati tindakan serta keputusan individu terbabit.

"Ini kerana mereka berhak untuk menyuarakan pandangan dan kita tidak boleh halang mereka daripada berbuat demikian. Namun, bagi FLFAM kita tidak akan keluarkan lagi sebarang kenyataan lanjut mengenai bekalan ayam atau telur," katanya.

**Saya juga sudah meminta wakil FMM untuk menghubungi Iskandar (untuk menjelaskan kenyataan berkenaan) kerana ini adalah hasil dapatan tinjauan dilakukan ahli**

**Soh Thian Lai,**  
Presiden FMM

